

Xeev Cov Ntsiab Qauv Kawm

KEV KAWM LUS ASKIV

Qib
5

Qhov kev pab koj txhawb koj tus me nyuam txoj kev kawm

Hauv qib tsib, cov me nyuam kawm ntawv yuav npaj kawm cov kev nyeem ntawv, kev sau ntawv, kev hais lus, thiab kev mloog lwm tus hais ntxiv mus. Lawv yuav nyeem tej ntaub ntawv, zaj lus sau, thiab lwm yam ntaub ntawv thiab kawm kom paub cov lus ntxiv mus. Lawv kuj yuav muab cov ntsiab lus los ntawm ntau hom ntaub ntawv los tso ua ke thiab muab lus teb los ntawm kev txhais lus thiab kev tshawb xyuas.

Qee yam ntaub ntawv cov me nyuam kawm ntawv yuav ua nyob hauv cov kev kawm no xws li:

- Txiaiv txim xyuas lub niam tswv yim ntawm zaj dab neeg, zaj yeeb yam, los yog zaj paj huam
- Piv cov dab neeg qhov sib thooj thiab qhov sib txawv hais txog cov niam tswv yim los yog nqe lus sib thooj
- Piav qhov tus neeg sau siv tej txheej lus thiab tej tim khawv los txhawb nws cov lus hais los yog cov tswv yim
- Muab cov ntsiab lus los ntawm cov phau ntawv, zaj lus sau, los yog cov ntaub ntawv nyob online los nrhiav lo lus teb los yog daws qhov teeb meem ceev nrooj.
- Kawm txog cov kev cai hais thiab sau lus Askiv
- Kawm thiab siv tej lo lus tshiab
- Nkag siab cov paj lug
- Koom rau chav kawm cov kev sib tham nthuav tswv yim uas yog mloog, muab lus nug, sib qhia tswv yim, thiab npaj ntxiv rau tej tswv yim ntawm lwm tus
- Muab kev nthuav qhia hauv chav kawm hais txog ib nqe lus los yog qhia txog ib zaj dab neeg
- Sau cov ntawv tshawb fawb los yog nthuav tswv yim

Hauv qib tsib, cov me nyuam kawm ntawv yuav nyeem ntau yam ntaub ntawv, xws li cov dab neeg, cov yeeb yam, thiab cov paj huam. Ntawm no yog ob peb qhov piv txwv ntawm qhov koj tus me nyuam yuav npaj xyaum cov kev nyeem ntawv tseem ceeb nyob rau qib duas kawm.

Kev Nyeem Ntaub Ntawv

Qib Plaub Kev Nyeem Ntawv	Qib Tsib Kev Nyeem Ntawv	Qib Rau Kev Nyeem Ntawv
Txiaiv txim xyuas lub niam tswv yim ntawm zaj dab neeg, zaj yeeb yam, los yog zaj paj huam los ntawm txhua yam hauv cov ntawv nyeem thiab teev cov ntawv nyeem lub ntsiab lus.	Nkag siab qhov cov neeg hauv zaj lus teb rau tej yam cov nyom los yog qhov tus neeg hais lus hauv zaj paj huam tham txog nqe lus, thiab cov me nyuam kawm ntawv teev cov ntawv nyeem lub ntsiab lus.	Nkag siab qhov lub tswv yim ntawm phau ntawv nyeem raug nthuav qhia li cas los ntawm txhua yam thiab muab tau lub tseem ntsiab uas yog tsis muaj tus kheej tej tswv yim los yog kev txiaiv txim txuam.
Piv cov kev xam pom qhov sib thooj thiab sib txawv los ntawm ntau zaj dab neeg tau qhia, xws li qhov sib txawv ntawm qhov hais txog tus neeg thib ib thiab tus neeg thib peb.	Piav qhov tus qhia zaj lus los yog tus hais lus qhov kev xam pom cuam tshuam qhov cov txheej txheem tau teev tseg ntawd.	Piav qhov tus sau npaj qhov kev xam pom ntawm tus piav zaj lus los yog tus hais lus nyob hauv phau ntawv.

Kev Nyeem Kom Paub Cov Ntsiab Lus

Qib Plaub Kev Nyeem Ntawv	Qib Tsib Kev Nyeem Ntawv	Qib Rau Kev Nyeem Ntawv
Hais tsi ntees rau txhua yam thiab cov piv txwv thaum piav txog tej yam cov ntawv nyeem hais meej meej thiab thaum muab cov kev kwv yees lub ntsiab.	Teev cov lus lwm tus hais los ntawm phau ntawv nyeem raug heev thaum piav txog tej yam cov ntawv nyeem hais meej meej thiab thaum muab cov kev kwv yees lub ntsiab.	Teev tej tim khawv los txhawb tej yam cov ntawv nyeem hais meej meej thiab muab cov kev kwv yees lub ntsiab.
Txhais cov ntsiab lus muab nthuav qhia nyob hauv daim phiaj teev, daim phiaj nrag, los yog lwm yam duab thiab piav qhov cov ntsiab lus pab rau qhov kev nkag siab ntawm cov ntawv nyeem.	Muab cov ntsiab lus los ntawm cov ntawv nyeem los yog cov ntaub ntawv digital, nrhiav lo lus teb tau sai heev los yog daws teeb meem tau zoo heev.	Muab cov ntsiab lus tau nthuav qhia nyob hauv ntau hom xov xwm los yog ntawv sau thiab hauv tej lo lus los npaj qhov kev nkag siab ntawm nqe lus.

Kev Sau Ntawv

Cov kev sau ntawv hauv qib tsib yuav muaj xws li cov dab neeg, daim ntawv sau, daim ntawv sau cej luam, thiab daim ntawv sau haub. Ntawm no yog ob pib qhov piv txwv ntawm qhov koj tus me nyuam yuav npaj cov kev xyaum sau ntawv tseem ceeb nyob rau txhua qib duas kawm.

Qib Plaub Kev Sau Ntawv	Qib Tsib Kev Sau Ntawv	Qib Rau Kev Sau Ntawv
Taw qhia nqe lus meej heev thiab npaj nqe lus muaj cov ntsiab lus, cov ntsiab lus txhais, txhua yam tseem ceeb, cov lus lwm tus hais, los yog lwm yam ntsiab lus.	Taw qhia nqe lus meej heev, muab kev soj ntsuam thiab kev kub siab.	Taw qhia nqe lus thiab npaj nqe lus muaj cov lus lwm tus hais, los yog lwm yam ntsiab lus tsim nyog.
Muab ib nqe lus los yog ib tshooj lus xaus hais txog cov ntsiab lus los yog nqe lus piav muab nthuav qhia.	Muab cov ntsiab lus sib thooj tso ua ke tsim nyog thiab siv hom kev teeb sau (xws li cov hau lus), cov kev nrag duab nthuav qhia, thiab ntau hom xov xwm thaum tsim nyog.	Teeb cov tswv yim, cov ntsiab, thiab cov ntsiab lus uas yog siv cov kev sau xws li kev txhais lub ntsiab lus, kev cais lus, kev piv qhov sib thooj/qhov sib txawv, thiab kev ua tsub rau/qhov tshwm sim.
Tso cov ntsiab lus sib thooj ua tej koog lus thiab ua tej tshooj, thiab siv kev teeb sau, cov kev nrag duab nthuav qhia, thiab ntau hom xov xwm thaum tsim nyog.	Txuas cov tswv yim nyob hauv thiab nyob rau txhua hom ntsiab lus uas yog siv tej lo lus thiab tej sob lus xws li <i>in contrast</i> los yog <i>especially</i> .	Siv kev teeb sau, cov duab, thiab ntau hom xov xwm thaum tsim nyog.
Txuas cov tswv yim nyob hauv tej hom ntsiab lus uas yog siv tej lo lus thiab tej sob lus	Siv cov lus haum thiab tej lo lus hauv hom ntawv kawm.	Siv cov kev sau lus txuas tsim nyog.
Siv cov lus haum thiab tej lo lus hauv hom ntawv kawm.		Tsim tus yam ntxwv sau ntawv.

Pab Koj Tus Me Nyuam Kawm Thaum Nyob Sab Nrauv Ntawm Lub Tsev Kawm Ntawv

1. Muab sij hawm thiab qhov chaw rau koj tus me nyuam los nyeem ntawv ywj siab.
2. Nug koj tus me nyuam txog tej yam nws kawm tau los ntawm kev nyeem ntawv. Kom nws nyeem tej suam txaus siab los yog tseem ceeb tshaj plaws nrov nrov, thiab sib tham seb qhov kev txawj ntse ntawd muaj cuab kav yuav muab siv tau nyob hauv lub neej li cas.
3. Pab koj tus me nyuam siv Internet los yog phau txhais lus los nrhiav tej lo lus tsis tau paub dua.
4. Teev tseg seb koj tus me nyuam nyeem ntau npaum li cas. Nrhiav tej ntaub ntawv koj tus me nyuam txaus siab rau los npaj qhov kev txaus siab nyeem ntawv.
5. Pab koj tus me nyuam mus ua ib daim pib qiv ntawv (library card) tom tsev saib ntawv. Ntau lub tsev saib ntawv muaj cov koom nyeem ntawv ua ke (book clubs) thiab tej yam rau tsev neeg (family activities) uas ua rau kev nyeem ntawv lom zem.
6. Siv cov websites los nyeem tej phau ntawv los yog tej zaj lus sau nyob online. Cov tsev saib ntawv kuj muaj computers uas cov me nyuam kawm ntawv muaj cuab kav yuav siv tau.

Koom Tes Nrog Koj Tus Me Nyuam Tus Xib Fwb

Muab lus nug rau koj tus me nyuam tus xib fwb, xws li:

- Kuv tus me nyuam puas nyob rau duas nws tsim nyog nyob?
- Qhov muaj teeb meem tshaj plaws rau kuv tus me nyuam yog dab tsi? Qhov kuv tus me nyuam ua tau zoo yog qhov twg?
- Kuv muaj cuab kav yuav pab kuv tus me nyuam txhim kho tau li cas?

Yog xav paub ntxiv txog Xeev Cov Ntsiab Qauv Kawm Lus Askiv mus rau hauv <http://www.corestandards.org/ELA-Literacy> los yog <http://www.commoncoreworks.org>.

Adapted from Parent Roadmaps to the Common Core State Standards, Council of Great City Schools, www.cgcs.org